

14
DISSERTATIO INAUGVRALIS MEDICA
DE
PODAGRA
RETROCEDENTE

QVAM
ASSISTENTE
NVMINE DIVINO
EX DECRETO ET AVCTORITATE
GRATIOSI
MEDICORVM ORDINIS
IN

ALMA NORICORVM ALTORFINA
PRO LICENTIA
SVMMOS IN MEDICINA HONORES
ET PRIVILEGIA DOCTORALIA
RITE CAPESSENDI
PVBLICO ERVDITORVM EXAMINI
SVBMITTET

CHRISTOPH. MAXIMILIAN. CNOEFF
HERSBRVCCO-NORICVS

D. VII. DECEMBER. A. C. MDCCCXXVIII.


TYPIS MAGNI DANIELIS MEYERI.



PRAELOQVIVM.



Axime optandum & cum ipsa rerum natura ortum, cunctisque hominibus inditum est, ut vitæ nostræ terminum ad longum diem producere possimus. Ea est omnium cura; hoc desiderium eos dies noctesque exagitat, ut illius voti sui compotes fiant. Si autem considerarent, quam destructibile & corruptibile corpus nostrum esset, exclamarent: Vanitas vanitatum & omnia vanitas! Interim anxius amor & desiderium vitæ longæ eos ita excæcavit, ut quovis modo finem suum assequi allaborent. Hinc magnis sumtibus sibi comparant Panaceas, Universalia, Arcana &c. quæ tamen mera ex pelvi sunt fulgura. Dum sic bonus dormitat Homerus, miser Podagricus, de quo mihi nunc sermo est, in lecto, ceu eculeo, magnis tormentis, clamoribus & ejulatibus cruciatur. Ex inferno quidem nulla datur redemptio; hi tamen hoc solatii habent, quod ad paucum tempus libere, quamquam non diu, vagari possint. Vulgus quidem longam spondet vitam podagra affectis: at vero ubi novus advolat paroxysmus, ex levi circumstantia RETROCESSIO fieri potest; quam mox sequuntur horrendi in internis visceribus dolores, immo sæpissime Hannibal ante portas, mors instat, & nisi debito modo præveniatur, vitæ ineluctabilem finem adfert. Ne autem vel illis vel mihi sic eveniat, DIVINVM invoco NVMEN!



CAPUT I.

DE PODAGRAE INDOLE ORDINARIA.

§. I.

Satis notus & frequens est affectus podagricus, ut non opus mihi videatur eundem latius describere. Sufficit notasse vocabulum Græcum podagra dictum non inconvenienter denotare τῶν ποδῶν ἄγχαν, *pedum capturam*; ægroti enim pedibus suis capti sunt & lecto quasi affixi, ut nec attingere eos, nedum movere audeant. Aliis, inprimis Paracelsistis & Chemicis, morbus Tartareus, nodosus dicitur. Jocose nonnulli *morbum Dominorum*, die *Herrren-Krankheit* vocant, quia magnatum & divitum pulsant fores, neque inter arma fileat, sed Martis æque ac Musarum sequitur castra, ut plurimum tamen rusticorum præterit tabernas. Quippe homines laboribus dediti a multis gravibus ac chronicis passionibus fere immunes degunt: præsertim si temperantiæ a necessitate imperatæ fructum qualitas assumentorum noxia non corrumpat aut eripiat. Sermone vernaculo das Zipperlein an Füssen salutatur; quamvis vulgo receptum sit, vocabulo hoc abuti generaliter pro omni arthritide: hinc nostratibus familiaris etiam est locutio, das Podagra an Händen.

§. II.

Affectus arthriticus aliquando contagiosus fit. Dantur enim ex morbis chronicis quidam maligni, & hi fiunt, si succi valde impuri & in putridam corruptionem proni sunt: hinc efficitur, ut morbus hicce, qui alias satis benigne & placide incedere solet, pessimos induat mores, neque omni

peri-

periculo vacet. Interim tamen dolor podagricus est vehementissimus, quod arguere licet ex partis affectæ sensu exquisito: ipsi etiam ægrorum ejulatus & querelæ non leve de immani dolore perhibent testimonium. Sæpius etiam, *si insultus sustinent acerbos, nemo fere in eorum conspectum venire audet & plaustra convitiatorum jaculantur*, ut refert ROSINVS LENTILIVS. (a)

§. III.

Affectus sui ipsius index est: quis enim est, qui dolorem hunc non agnoscit? hinc *Medicus quidam podagricum accedens cum quæreret ex eo, ubinam doleret, graviter eum dicendo increpuit, quavis tu adhuc ubi doleam? quare magis ubi non doleam*, teste JOH. JAC. WALDSCHMIDTIO (b). Prodit se lassitudine corporis ejusque tensione, horripilatione vel horrore febrili, item inflammatione partis affectæ hic dolor, qui vel tensivus vel gravativus vel lancinans vel etiam alia indole se sistit. Adest quoque calor, rubor, tumor, perturbatio animi, hinc somnus ut plurimum interruptus, pulsus frequens, urina a naturali statu desciscens. Tandem dolore sedato provenit magis stupor & rigor membrorum, vel atonia, quæ semper functiones œconomix nostræ corporeæ valde lædit atque immutat. Dantur adhuc plura signa, quæ tamen brevitatis studio omittuntur.

§. IV.

Cum erysipellate facile confundi, immo studio, quibus nomen podagræ odiosum est, sub erysipelatis sæpe larva occultari solet; sed distinctu adeo difficiles non sunt affectus, utut prima fronte, præsertim febris nonnunquam comitantis intuitu, convenire videantur. Erysipelas enim circa cuta-

A 3

neas

(a) in Eteodr. Med. Pract. Ann. 1709. p. 950, (b) Oper. Med. Pract.
P. II. p. 170,

neas & exteriores partes magis hæret, cum dolore & tumore mitiori : Podagra vero magis interiores articulorum partes vehementiori invadit dolore. Cum porro ingens plerumque in morborum cognitione admittatur confusio doloris arthritici & rheumatici, amborum differentiam accuratius sistere placuit Ill. FRID. HOFFMANNO (c) dicenti : *Discrimen horum affectuum in eo consistere, quod arthriticus a sero tartareo-acri, intra juncturas articulorum obhærescente, proficiat ; in rheumatico vero materia illa serosa salino-caustica membranis musculorum & ligamentis articulorum exterius potius insideat. In arthritide quoque tum glandule, quæ in articulationibus reconduntur mucosæ a Clariss. Anglo CLOPTON HAVERS (d) inventæ, tum ligamenta glandulosa materiam arthritidis evomunt : contra ea in rheumatismo stagnans illud acre serum ex sanguine in canalibus nimium congesto inter membranarum & musculorum interstitia magis secedit atque colligitur. Deinde etiam dolor podagricus maxime differt ab illo artuum dolore venereo, cum ille interdum magis affligat homines, hic vero noctu magis sese prodat. In arthritide quoque quædam commotio febrilis sese manifestat, quæ autem in lue venerea abest : siquidem etiam ex hoc dignosci potest, quod arthritidis ut plurimum stata sua tempora, nempe vere & autumnno, juxta HIPPOCRATIS (e) effatum, servet, quæ autem non observantur in morbo gallico. Porro quoque ab illo artuum dolore discernendus est dolor arthriticus, quo afficiuntur ii, qui post venæ sectionem artus frigido aëri exponunt, ex quo scilicet debilitas membri affecti sequitur, postea dolor, per aliquod tempus durans. Alia arthritidis etiam est regularis, quæ videlicet stata sua tempora observat, uti ex Hippocratis sententia nunc citata adduximus, circa solsti-*

(c). Med. Ration. System. Tom. III. p. 49.

(d). Osteolog. nov. p. 393.

(e) Sect. VI. §. 457.

solstitia nempe vel *circa æquinoctia*, quia iisdem temporibus speciales, tam in macrocosmo quam microcosmo, se manifestant mutationes: alia est *irregularis*, quæ inopinatò mancipia sua magnis cruciatibus passim adoritur, maxime si errores in diætâ, medicationibus & similibus sæpissime committuntur. Alia est *hereditaria*, ceu varia proferri possunt exempla; mihi quoque notus est Vir temperatissimus, qui nihilominus vehementissimis podagræ insultibus sæpe per aliquot hebdomadas fuit obnoxius, quia parens ejus etiam podagricus erat. Alia est *Tartarea*, si scilicet mucus ille lymphaticus intra juncturas artuum consistens, tartareis, fixis, terreis & erodentibus particulis imbutus est, hinc tophorum origo, vide citatum CLOPTONEM HAVERS (f).

§. V.

Causæ hujus mali variæ ab Autoribus Medicis adducuntur, mihi autem cum Ill. FRID. HOFFMANNO (g) videtur proximam esse *diuturniorem moram & stagnationem humorum lymphaticorum*, qui sæpius inde *acrimoniam causticam contrahunt*, & *molestissima procreant symptomata*, ceu ab hac acrimonia dolores artuum vagi & fixi derivari possunt. Si enim particulæ acres, salinæ, tartareæ, erodentes, quæ partim per alvum, partim per urinam, partim per cutim excludi deberent, maxima ex parte in succis remanent, atque postea salia ex alimentis falsa, acida & diversi generis alia admiscentur, non mirum est pro varia horum unione, intimaque combinatione, eorumque inter se agitatione, diversi generis & naturæ summe acria & caustica quoque ingenerari, quæ postmodum in glandulis & eorum ductibus lymphaticis, circa membranas & nervosas articulorum partes, seu tendines & ligamenta, deponunt materiam peccantem. Hæc vero rodendo

(f) l. c. p. 308. & 309. (g) l. c. Tom. II. p. 457.

dendo vellicandoque vim exerit suam, nempe in quantum familia diversæ indolis commista sunt, quæ ita varios excitare orgasmus solent, nec a distensionibus suis dolorificis remittunt, donec particulæ impuræ congestæ aut insensibili transpiratione ejectæ, aut mutua lucta quasi subactæ sint.

§. VI.

Causæ remotæ esse possunt sex res non naturales, in primis si circa esculenta & potulenta nullum observatum fuerit regimen, ex quo deinde primæ viæ inquinantur, ac dolores podagrici, tanquam causæ delitescantis & accumulatae effectus, in actum deducuntur. Nam in sanguinem, mediante circulatione delatæ, serum impurum reddunt, quod contaminatum varios affectus in scenam producit, præsertim ubi jam dispositio hæreditaria præcesserit. Penes hæc considerationem merentur animi affectus, qui operationes suas maxime in partes nerveas exercent, simul potenter ventriculi & intestinorum motum naturalem immutare, destruere, vel etiam intendere possunt; uti mihi notum est exemplum generosi viri, qui in ipso actu iracundiæ, quum eo tempore sanissimus esset, illico fulminis instar dolorem podagricum in sinistri pedis talo sensit. Producit quidem NICOLAVS PECHLINVS (b) *de iræ efficacia in podagrigo* quodam egregiam observationem: cavendum tamen maximopere est, inquit laudatus D. FRID. HOFFMANNVS (i), *ne in cholericis vel etiam cachecticis, & ubi male sunt constituta viscera, itemque ubi ad erysipelas, ad hæmorrhagias, ad apoplexiam & ad metastases sanguinis ad caput, ad affectus spasmodicos inclinant corpora, ejusmodi curam adhibeamus.*

§. VII.

Quanquam atrociores sint dolores podagrici, solatium tamen miseris ægrotantibus præbet, quod absque mortis periculo

(b) Observat. Med. Libr. III, Observ. 26. (i) l. c. Tom. II. p. 156. §. 14.

riculo degant, quia impuritates a centro ad peripheriam & a nobilioribus partibus ad ignobiliores propelluntur, nisi præpostera medicatione aut graviore errore diætetico per metastasin ad interiora remittantur, ubi graviora postmodum subsequuntur symptomata. Interim quibusdam paroxysmi citius abeunt, quibusdam tardius, prout corruptio lymphæ & sanguinis magis vel minus invaluit, vel ægroti sunt morigeri vel immorigeri & diætæ legibus se accommodant, vel easdem negligunt. Sunt autem certe paucissimi, qui obsequuntur, ita etiam raro curantur. Porro animo bono nos esse jubet patientis ætas & fibrillarum nervearum robur, inprimis si viscera bene constituta sint, & si quis Medicum prudentem nactus fuerit. Alioquin, juxta HIPPOCRATEM (l) *Senes, itemque illi, qui tophos aut callos in articulis induratos habent, aut erumnose vivunt, aut alvo sicciori sunt, ii sane omnes (ut sentio) humana arte sanari non possunt. His certe succedentes intestinorum difficultates optime medentur, quin & quæcunque alia eliquationes eos valde juvant.* Terminum solutionis idem laudatus Senex (m) dicitur: *Qui podagrici morbi eveniunt, sedata phlegmone intra quadraginta dies quiescunt:* sed intelligendum pro ratione materiæ peccantis, quo contumacior ea est, eo serius discutitur; attamen non durabit illa inflammatio ultra quadraginta dies, si medicus & æger suum fecerint officium, & tophi non fuerint jam coagulati: vid. Jo. HEVRNIUS in hunc Aphorismum p. 456.

§. VIII.

Plenariam conscribere curationem nunc non est mei instituti, quia multi Medici opiniones suas de hoc affectu jam protulerunt, & credo, quod nullus morbus in proferendis medicaminibus tam ferax sit quam podagra. Quæso, quot va-

B

gantur

(l) ex Libr. 2. Sect. 2. Prædict. (m) Sect. VI. §. 49.

gantur Panaceæ, Universalia, Arcana (quæ STEPH. BLANCARDUS sunt *Narcana*) antipodagrica? quot non indicant tantum *Annales Medico-Physici Uratislavienses* (n)? Certe si e pharmacopolio medicamenta hucusque usitata ejicerentur, illud solummodo talibus noviter inventis ab integro iterum erigi & compleri posset; tamen hæc omnia hæctenus fidem non sustinuerunt, quin potius semper podagra victoriam reportaverit, non obstante gemitu & ejulatu ægrorum. Ejusmodi enim virtutis medicamenta, quæ semper in omnibus subjectis, certo & indubitato salutarem in morbis exerunt effectum, & nunquam medentis spem eludunt, nullibi sunt reperiunda, ceu notanter cit. Ill. HOFFMANNVS (o) monet. Et lumen illud Anglicanum, THOMAS SYDENHAM (p) in hæc verba erumpit: *Therapia radicalis & usquequaque perfecta, qua quis etiam a diathesi ad hunc morbum foret liberatus, adhuc in Democriti puteo latet, atque in naturæ sinu reconditur, nescio quando, aut a quibus in lucem extrahenda.* Optimum tamen omnium remedium videtur juxta cit. JO. JAC. WALDSCHMIDIVM (q) *Abstinentia sobria & abstinens sobrietas: abstine & efficies quod medicina nequit*; ubi simul aliquos hoc modo curatos fuisse Autor annotavit.

§. IX.

Interim huic remédio associari possunt *sudorifera*, quibus autem salubri effectû longe superiora sunt *diaphoretica*, præsertim si cum sufficienti & calido liquido assumuntur, magnæque sunt efficacix, quia elasticitatem & vim contractilem cordis & vasorum, quæ in ejusmodi affectu admodum depressa est, intendunt, restituunt & sanguinis circuitum, ad meliorem impurorum succorum sequestrationem, efficaci-

ter

(n) Tentam. I. p. 100. Tentam. IV. p. 704. & 714. Tentam. XVII. p. 435.

Tentam. XXV. p. 1713. (o) l. c. Tom. III. p. 576. (p) Tract.

de podagra & hydrope p. m. 99. (q) l. c. Part. II. p. m. 175.

ter augent. Sed insistendum est aliquamdiu hisce præsiidiis, notante Ill. FR. HOFFMANN O (r): quam diaphoresin Excell. D. D. KANOLD in *Annalibus cit. Wratislav.* (s) de meliori nota quoque commendat: & emphatice Ill. D. G. E. STAHLIUS (t) duas cautelas de hoc remedii genere apponit; I.) ne sudor simul vi & nimia copia; II.) ne intempestivo tempore eliciatur.

§. X.

Hisce annumeranda sunt *diuretica*, dum plura ex iis aperiente & incidente, alia roborante, tonica & balsamica, nonnulla anodyna facultate pollent. Et certe si ulla medicamenta ab arthritide, podagra, aliisque affectibus defendunt, certe a prudenti diureticorum usu id erit expectandum. Cavendum tamen merito ab omnibus calidis, acris & causticis, & potius utendum lenioribus magisque diæteticis, vel decoctis, quæ diuresin blande movent, quæ emphatica verba habentur in sæpius citati Celeberr. FR. HOFFMANNI *Med. Ration. System.* (u)

§. XI.

Porro *lenientia* & *demulcentia* in morbis, qui ab acrimonia humorum ortum ducunt suum, & nervosis membranis molestias creant, in infusis vel decoctis oblata, usum habent præstantissimum.

§. XII.

Adhæc *Opiata* & medicamenta *soporifera* in paroxysmo cordatis Medicis semper sunt suspecta, ut nonnisi necessitate urgente adhibeantur, tuncque cautissime & in refracta dosi cum aliis appropriatis dentur: multæ enim profecto de sinistro eventu extant observationes.

B 2

§. XIII.

(r) i. c. Tom. III. p. 448. (s) Tentam. XVII. p. 350. & 351. Tentam. XXV. p. 224. Tentam. XIX. p. 88. &c. (t) Untersuchung der übel curirten und verderbten Krankheiten p. 231. (u) Tom. III. p. 506.

§. XIII.

Tandem *topica*, quanquam multa circumferuntur, ceu sunt emplastra, unguenta, cataplasmata, foci, spirituosæ & similia, quorum virtuti quidem nihil derogo, interim persuasus sum, probe distinguendum esse inter subjecta, inter symptomata præsentia, inter remedia, quæ applicantur, & inter tempus, quando topica in usum trahenda sunt. Externa quivis fere patiens ad sistendum dolorem anxie desiderat, sed ut plurimum funesto exitu, ut de his non paucæ prostant observationes. Parens meus frequentavit ante aliquot annos Virum podagricum, qui suo topico intra bihorium dolorem quidem levavit, at paulo post subsecuta est paralytis sinistri lateris, dein hæmoptysis, & ita mors.

§. XIV.

Extra paroxysmum optandum foret, ut Podagrici diætam observarent medicam, quia hac optime ipsis consulitur, uti in D. VITI RIEDLINI *Curis Medicis* (vv) videre est; sed medice vivere illis est pessime vivere, nituntur potius in vetitum cupiuntque negata, & sic sensim nova panditur via ad futurum paroxysmum, ni in tempore præveniamus: quod autem fieri potest, partim eccoproticis sive commodis laxantibus, quæ primas vias a fordibus accumulatis liberant, partim etiam salibus deterfivis.

§. XV.

Deinde *emetica* rite præparata non frustra a variis autoribus e. g. FRID. HOFFMANNO, MARTIANO, ALPINO, HILDANO, HEINSIO aliisque magni æstimantur, tam præservatorie quam in principio paroxysmi, quia saburram e primis viis eliminant, inprimis ubi nausea ac amaritudo oris observatur. Notus est mihi vir, qui vomitorio non semel, sed sæpius feliciter usus est, ita quidem, ut finita hujus operatione
abs-

absque scipione incedere potuerit. *Vena sectio* tam *preservatorie* circa æquinoctia, quam *curatorie*, ab initio accessus, in pede, subjectis sanguinis copia laborantibus, proderit, etiam illis, qui alias hæmorrhoidibus obnoxii fuere. *Diaphoretica* & *diuretica* temperata, ut in paroxysmo, ita extra eum, commendantur, in quorum censu sunt infusa calida pota, quæ si præcipue decens juxta servetur diæta, non raro malum nisi tollunt, multum tamen demitigant. *Cura lactea* veteribus jam nota, caute in hoc affectu usurpanda, nam quamdiu diæta recta observatur, potatores bene se habent, verum ubi illa negligitur, in peiores incidunt morbos. *Scarificatio* in pede affecto quovis mense circa novilunium a multis quoque in usum trahitur. Quam egregium emolumentum ille, qui diuturno malo vexatur, ex mutatione aëris & itineribus capere possit, nervose delineavit cit. III. FRID. HOFFMANNVS (*). Quæ hic produxi non simpliciter & absolute dicta volo, nulla enim regula sine exceptione, præsertim in Medicis: si autem displiceant, consulantur illi quatuor Medici optimi ab Excell. D. D. KANOLDO in *Annalibus Wratislaviensibus* (y) propositi: *Accuratum regimen, Animus sedatus, Calor moderatus & legitimus secretionum & excretionum successus: si non arrident, perfer & obdura.*

CAPUT II.

DE

PODAGRAE INDOLE EXTRAORDINARIA SEU RETROCEDENTE.

§. I.

POdagra, uti notum, species est arthritidis fixæ, simili dolore atque tumore, intercurrente rubore in tarso, meta-

B 3

tarso

(*) Gründliche Anweisung / wie man sich vor Krankheiten zu hüten habe / Part. V. p. 341. &c. (y) Tentam. XXX. p. 584.

tarso, digitisque pedum recurrens : hic affectus ergo a suo genere non differt, nisi quod differentiam nominis solum a parte specialiter affecta acceperit.

§. II.

Refertur hic affectus optime inter morbos longos vel chronicos, partim quod ex humorum & sanguinis stagnatione & spasmis originem ducat suam, partim quod per aliquot septimanas, immo menses, duret, licet acuto quodam febrili initio mancipia sua invadat; ut & inter salutare, quia causam morbidam, perniciosam e corpore foras removet, ejicit ac amandat: fit tamen, ut interdum pessimos induat mores, si scilicet corpora valde impurioribus scatent succis, ubi ex levi commisso errore ad interiora retrocedit.

§. III.

Denominationem accipiunt hi morbi exinde, annotante Excell. D. D. GEORG. DAN. COSCHWITZ (z) quod materia peccans sub motibus secretoriis & excretoriis ad certam aliquam partem, præcipue ignobiliorem, delata atque detrusa, ad aliam maxime oppositam depellitur, aut ad minimum motus naturæ propter materiam quandam molestantem aut noxiam suscepti ab uno ad alium locum transeant, præcipue ab externis ignobilioribus ad internas nobiliores.

§. IV.

Discrepant multum inter se morbi retrocedentes, quidam ex iis ad summam cutim ejusque peripheriam tantum pelluntur e. g. morbilli, variolæ, scabies &c. quidam profundius partes carnosas & nervosas glandulasque occupant e. g. bubones, carbunculi, erysipelata, tumores podagrici.

§. V.

(z) in Organismo & Mechanismo patholog. p. 36.

§. V.

Horum morborum pessima est ratio & eventus, teste Ill. D. FRID. HOFFMANNO (*a*), quia materia ad superficiem corporis detrusa, indolis subtilioris salino-sulphureæ, postea ad interiora delata, nervosas partes occupans, gravissima pathemata excitat. Omnis enim morbus, juxta Eundem, (*b*) est magna mutatio & perturbatio proportionis & ordinis motuum in solidis & fluidis, cum vel nimis accelerati vel retardati in universo corpore aut in certis partibus, juncta cum insigni læsione secretionum, excretionum & aliarum functionum corporis animati, tendens vel ad ejus salutem aut interitum, vel ad pravam partium ad alios morbos dispositionem. Jam retrogradi affectus ejusdem sunt farinæ, dum œconomiam nostram animaleam, jam antea labefactatam, magis magisque in periculosiorem præcipitant statum, & detentum morbi fomitem ad interiora & nobiliora viscera propellunt. Si enim materia retropulsa ad cerebrum ejusque membranas delata fuerit, pergit ille Autor in scholio (*c*) graves affectus capitis, ut phrenitides, convulsiones epilepticæ, lethargus, hemiplexia, aphonia, gutta serena, mentis & memoriæ alienationes facile suscitantur. Si vero ad præcordia delata nervosas ibi fatigat partes, graves pectoris morbi, ut asthma convulsivum, tussis ferina, catharrus suffocativus, difficilis & ægra, cum anxietate & angustia, spiratio & ingens virium collapsus resultant. Si vero ventriculi & intestinorum tunicis firmiter inhærescat, atrocia ventris tormina, cardialgiæ & periculosæ harum partium inflammationes, singultus, diarrhœæ oriuntur. Ex quo intelligitur, quantum periculi omnes illi morbi habeant, qui ab exterioribus ad interiora convertuntur: id quod jam olim probe annotavit

HIPPO-

(*a*) l. c. Tom. II. p. 144. (*b*) l. c. Tom. II. p. 56. (*c*) l. c. Tom. II. p. 145.

HIPPOCRATES in Coacis §. 103. *Erysipelas foras quidem accedere commodum est, intro autem converti, lethale; invertitur autem intro, dum disparente rubore pectus gravatur, & difficilem respirationem habet.* Et quod de erysipelate hic dictum est, id de omni affectu externo, qui cum quadam inflammatione & dolore jungitur, intelligendum venit. Quod vero tantum periculi hi morbi alant, id ex eo fit, quod materia morbifica virulentæ indolis ad interiora relegata nervosas maxime partes obsideat, in quibus gravissima pathemata producit, nec tam facile ex iis rursus evelli potest. Notum enim, quod serum impurum acre arthritidem vel podagram pariens, tantummodo articulorum membranas invadat, hæ autem, cum partes nervosæ, motu & sensu instructæ, uti in omnibus partibus, ita etiam in pedibus se conspiciendas præbent, nam nervus intercostalis ad crura pertingit & crurali antico & postico conjungitur, annotante iterum Ill. FRID. HOFFMANNO (d), hinc mutua inter caput, ventriculum & pedes consensio nascitur.

§. VI.

Quia autem omnes morbi in eo conveniunt, quod functiones corporis vivi & sani lædant, homo autem nervos tenerioris texturæ & subtilioris sensationis obtinet, qui nullam prorsus læsionem vel violentiam pati possunt, quin inde statim dolorosam mutationem accipiant, & functiones tam in motu quam in sensatione perturbent, fit ut materia excrementitia a connubio sanguinis jam separata, & ad artus quidem salutariter propulsa, ab inordinato autem regimine vel animi pathematis irritata, ad partes, quæ fertiles morborum fomites & materias foveant, inter quas canalis ille nervoso-membranaceus, qui ventriculi & intestinorum nomine venit, & morbis ac mineris morbosus solennem officinam præbet,

retro-

(d) l. c. Tom. III. p. 108.

retrocedere cogatur. Quia autem hæc materia veneni vim & naturam obtinet, & licet mole valde exigua sit, tamen sub penetranti & adversa subtilitate partium valde heterogenearum in partes sensibiles agit: truculenta instar veneni symptomata, quæ universi corporis œconomiam turbant, vel etiam extinguunt, & producta ab iis symptomata, pro diversitate locorum, differunt. Quis itaque consensum mutuum partium tam fluidarum quam solidarum, qui maxime in communicatione motuum consistit, & quem noster *Senex* (e) breviter adumbravit, quod sit *confluxus unus, conspiratio una, consentientia omnia*, negare audebit? ita ut b. D. D. JAC. PANCRAT. BRVNO (f) jam optaverit, ut aliquis accurate & ex veris principiis ostendere sibi proponeret, qua ratione hoc in omnibus ac singulis fiat. Si vir hicce integerrimus adhuc in vivis esset, credo illum magna animi alacritate lecturum esse, quæ de consensu partium omnium magnus FRID. HOFFMANNVS (g) dilucide explanavit & exemplis illustravit.

§. VII.

Ex his deductis apparet, quod caute in hoc morbo retrogrado procedendum & ab omnibus iis, quæ ullo modo repellendi facultate pollent, abstinendum sit. Hæc inter non postrema sunt animi pathemata. Est enim horum tanta vehementia, ut celerrime corpus etiam firmissimum & integra sanitate fruens, lædere, ejusque motus secretorios & ordinarios, qui vitæ profunt, destruere, pervertere, & gravissimos morbos, immo subitam mortem, inferre possint. Si ergo sanissimum corpus ab hisce impetitur, quid non de morbofo subiecto dicendum erit? Refert laudatus FRID. HOFFMANNVS (h) de Podagrico, cui terrore afflicto, cum subsecuto

C animi

(e) Libr. de Aliment. IV. 24. (f) Lex. Med. sub tit. CONFLVXIO.

(g) l. c. Tom. I. p. 58. &c. et Tom. II. p. 43. (h) in Dissert. de Podagra retroced. §. II.

animi angore, illico dolores ex pedibus ad interiora abdominis retropulsi sunt, torminaque & cruciatus excitantes, faucium etiam interiora aggrediebantur, quinimmo in capite subsistebant, somnum & quietem turbantes. Contra MOEBIUS (i) memorat, terrore curatam fuisse arthritidem. Sed tales curas minime imitandas esse inducor, quia motus naturæ, qui ab exterioribus ad interiora sanguinem & humores impetuosè propellit, valde suspectus videtur. D. VITVS RIEDLINVS (l) curavit Arthriticam, ubi iræ effectus olim partes externas occupaverat, jam vero ori ventriculi noxam impeggerat: cui lene purgans, ceteris permittentibus, cum fructu exhibuit.

§. VIII.

Omne frigidum nervis, item membranis, ligamentis, tendinibusque inimicum est, juxta HIPPOCRATEM & Io. HEVRNIVM (m) *comment. in eundem aphor.* Maxime omnium verò nocet pedibus, eorumque plantis, quoniam hæ partes valde tendinosæ ac nerveæ sunt, & sanguis per eas, a corde admodum remotas, tardiori cursu pervolvitur. Est mihi notus Podagricus, qui ante quadriennium tempore hyemali per varios confluxus aquæ nivalis equitare coactus, pedes ita perfrigeravit, ut altero mane non solum podagram in dextro pollice pedis, sed paulo post dolorem valde pungentem, ex hujus retrocessione, in pulmonibus senserit, a quibus mediante blanda diaphoresi sensim liberatus fuit.

§. IX.

Acta Medicorum Berolinensium (n) ex indice ibidem A. 1720. mortuorum referunt numero XIX arthritide vaga & podagra extinctos. Videtur hoc contra illud vulgare dictum

(i) in Epitome Institut. I. IV. P. II. c. 8.

(l) in Curis Med. Observ. 659.

(m) Sect. V. §. 18. p. m. 338.

(n) Volum. IX. p. 50.

Æterium pugnare, quod Podagrici fiant annosi. Sed in promptu erit ratio, si quis perpendet, quam facilis in vulgari praxi sit ad venæ sectionem in ipsis paroxysmis, partim ex inscitia partim ex præjudicio, resolutio; qua dein celebrata, si dolorum exacerbatio presso pede sequatur, indispensabilis anodynorum subjungitur usus. Qualis curandi processus e diametro contrariatur morbi hujus genio, quia omnem debitum materiæ excernendæ progressum sufflaminat, illamque potius intra viscera incarcerat, præsertim cum motus, necessaria secretionis instrumenta, simul præpostere consopiantur.

§. X.

De horum proterva, inconsiderata & liberaliori dispensatione passim varii cordati Medici jam conquesti sunt, legique merentur Ill. G. E. STAHLII *Dissertatio de Impostura Opii*, ubi variæ notatu dignæ historiæ de incauta exhibitione opiatorum traduntur; item Ill. FRID. HOFFMANNI *Medic. Ration. System.* (o), ut & *de Abusu & noxa medicamentorum soporiferorum & narcoticorum* (p), qui porro ulterius tam in *Dissert. de Podagra retroced.* (q), quam in *Praxi Medica* (r), de funesto exitu opiati mentionem facit: Nempe viro hypochondriaco-podagrico in paroxysmo ab empirico quodam cataplasma ex radice symphyti, aceto, alumine & camphora, ut in usum duceret, commendabatur: quo quidem remedio dolor mitior factus, sed ab eo tempore sensit magnam lassitudinem membrorum cum appetitu prostrato, somno turbulento & dolore spasmodico-constrictorio sub scrobiculo cordis, qui ad costas spurias dextri lateris fixus hærebat. Medicus in consilium vocatus opiata in liberaliori

C 2 dosi

(o) l. c. Tom. II. cap. VII. (p) §. I. & seqq. (q) §. IV.
 (r) Regul. IX. p. m. 50.

dosi, ad sistendum dolorem, præscripsit, ast infausito eventu, nam brevi post redierunt symptomata magis truculenta, scilicet contorsiones, jectigationes; alvo manente durissima, licet clysteres applicati fuerint. Cibum assumtum ut plurimum iterum evomit. Pulsus erat naturalis, urina pauca & flavi coloris. Tandem supervenere tussis sicca convulsiva, virium totalis prostratio & tandem convulsiones. Meminit etiam (s) podagrici, cui per aliquot septimanas granum unum extracti opii cum spiritu liliorum convallium quotidie propinabatur: post sectionem cadaveris videbatur hepar in parte concava nigrum & sphacelatum, in dextra parte ventriculi, ut & in diaphragmate, oculis obversabatur macula nigra, venæ parum sanguinis habebant.

§. XI.

Annales Wratislavienses (t) etiam referunt historiam finistre curatæ podagræ cum subsecuta subitanea morte, ubi æger in paroxysmo per empiricos opiato in forma liquida, pillulis purgantibus drasticeis, emplastro antipodagrico & fomentationibus tractatus fuerat. Omnium ægrotantium quidem votum eo redit, ut quantocyus a dolorum tormentis atrocibus liberari possent: sed hic Medicina nostra sæpe enervata est, & quanquam prima fronte opiata auxilium afferunt, paulo post tamen, juxta allatum exemplum, majora sequuntur damna, ita ut si quis hæc in usum vocare secum constituit, omni circumspectione ad id perficiendum opus habeat.

§. XII.

Quod ex Podagra retropulsa convulsiones epilepticæ oriantur, produnt citata *Acta Berolinensia*: (u) de viro habituali podagrico, qui per aliquod spirituosum topicum (ex qui-

(s) de perversis curationibus §. 12.

(u) Volum. VI. p. 19.

(t) Tentam. XVII. p. 626.

quibus autem hoc compositum fuerit, non exprimitur) arthritidem ex pedibus abegit: hæc autem pedem fixum nunc secunda vice in intestinis ponebat, sub schemate obstipatæ alvi cum torminibus colicis: quicquid scopo laxandi interne dabatur, effectum non attingebat. Clysteres, quotquot etiam injiciebantur, aut irritō effectū redibant, aut ex parte retinebantur, quanquam stimulo satis notabili non carerent. Talis pertinax spastica restrictio eo usque perstabat, immo ad supernas diffundebatur partes, ut verī motus convulsivi cum abolitione sensuum & rationis insequerentur, quibus per aliquot horas ita durantibus, vix crederet quis, ægrotum eluctaturum fuisse: istis tamen cessantibus paulatim quidem rediit ad sensum, sed mentis nondum statim compos fuit, potius quasi delirus, admodum inquietus, immo neminem tolerans jacebat. Retrogradorum uti per se est pessima ratio, quia eorum materia est indolis subtilioris salino-sulphuræ, ita ad interiora delata nervosas partes occupat hinc initio sub schemate spasmodico in infimo ventre se manifestavit, postea ad cerebrum eodem modo saltum fecit, metu fere extinctionis vitalis adlato.

§. XIII.

Eodem modo morbi invadunt præcordia & nervosas fatigant partes, quod confirmat D. VITVS RIEDLINVS (x) hac historia: Horologiopœus quinquagenarius arthriticus, sanus vesperi lectum petens, mane autem evigilans tam difficili respiratione correptus fuit, ut a suffocatione sibi metuerit, verum Divina gratia restituitur, ast insequitur dolor pedis acerbissimus, hoc cessante, iterum difficilis respiratio successit, ut nonnisi sedens, & sic quidem nonnisi difficillime, perficere eandem potuerit. Postmeridiem meum expetenti consilium, præscripsi necessaria medicamenta sub spe, quia viribus sic satis adhuc pollebat,

eum non frustra ordinata in usum ducturum ; verum enim vero sequentis diei summo mane eum convulsionibus supervenientibus fatis cessisse nuntiabatur. Quam igitur periculosa sit arthritidis e pedibus in pectus metathesis, hæc observatio declarat.

§. XIV.

Multiplici compertum est experientia, materiam arthriticam tartaream, in senibus præsertim, sæpius vias urinarias infestare, & sic arthritidem in calculum mutari ; ut unus alterum excipiat morbus. Confirmat id D. VITVS RIEDLINVS (y) his verbis : Vir quidam honestus sexagenario major, cum nuper uxor ejusdem morbo gravi decumberet, eodem aliquando sic aucto, ut & mortis periculum subesse sibi metuerit, hinc adeo perterritus fuit, ut sequenti statim die & ipse male se habere inciperet : conquestus inprimis de doloribus, lumborum regionem occupantibus : quibus tamen propter negotiorum multitudinem, nullum fere opposuit remedium, nisi quod me, tum uxorem visitante, monente non quidem quam ego desideraveram, sed parcam admodum lapidum cancri quantitatem, & quantum novi, semel solum sumsit. Unde quidem se remisisse quodammodo malum visum fuit, at causam ejusdem non tam sublatam, quam aliorum translatam fuisse abunde patuit, quia hos dolores, intensiores manuum sinistram occupantes exceperunt, qui, sicuti prius aliquando spiritu vini camphorato applicato mitigati fuerant, ita nunc eodem exasperabantur, unde ego eum non tam in remediis externis, quam inprimis in infuso herbæ Theæ auxilium quærere jussi. Hæc ille.

§. XV.

Nulla pars tam gravibus stricturis spasticis obnoxia est, quam ipse ventriculus cum intestinis, quia hominum viscerum

(y) l. c. 801. p. 355.

rum canales ex membranis valde nervosis, acutæque sensationi maxime idoneis, contexti sunt; jam materia arthritica, ut serum impurum acre, quæ membranas nerveas circa articulos (est enim mira communicatio partium nervosarum) occupavit, si ex improvviso error in diæta vel in regimine, vel in pathematis animi & similibus committitur, illico deserit suum, & nobiliorem sensibilioremque occupat locum, hinc majus periculum, quo magis ad interiora vergit eaque lancinat. SOLENANDER in suis consiliis casum adducit podagrici, quem dolor colicus invasit, cui suaserat, ut revocaretur arthritidis ad exteriora rursus; sed obstitit quidam Senior Medicus & æger interiit. In *Actis Medic. Berolin.* (2) legitur casus implicatus cum subjuncta sectione hominis ex repulsa podagra mortui, qui videatur.

§. XVI.

Notum est vulgare dictærum: *Senectus ipsa morbus*; neque male, dies enim manifestat, quod decrepitorum fibræ sint contractæ, per quas humores nec bene amplius influere, nec satis promptè effluere possunt. Hanc etiam ob causam stagnationibus & obstructionibus, ut fecundissimis semper morborum matribus ac matricibus, libera panditur via, quæ tardior circulatio humorum, inprimis feri, hic vel illic particulas acres tartareas, in his vel illis membranis nerveo-tendinosi, effœtas deponit, donec a causa procatactica in actum deducuntur. Quia autem natura præcipue sui conservatrix & maxime in eo occupata est, ut omne nimium vel inimicum, quod sanitati insidiatur, e corpore propellat, ac a centro ad peripheriam protrudat, hic quoque intensis motibus annititur, ut particulæ serosæ acres salinæ ad artus externos amendantur, quod si ex voto contingat, res est in vado. Ubi
autem

autem imbecillitas virium se manifestat, vel cutis spiracula deficiunt, vel digestio depravata obvenit, vel animi afflictiones obicem ponunt, aut repellentia externa adhibentur, tunc ut plurimum fit podagræ regressio ad partem nobiliorem. Ante annum circiter Parens meus ad ægrotum nobilem, febre continua benigna correptum, accersitus fuit. Cum inter alia ex eo quæreretur, num nihil de podagra (laborabat enim quotannis hoc affectu) durante morbo sensisset, responsum dedit, se in pedis sinistro talo saltem levem & lenem observasse dolorem, qui iterum evanuerat. Quia autem memoriæ debilitas, virium & appetitus prostratio, crebrior ad urinam stimulus, febris & senium simul aderant, fatale concludere prognosticon, necessum erat. Scilicet molimen naturæ pro deturbanda podagra quidem aderat, sed ex debilitate virium hæc iterum ad interiora regressa est, & ita cum subsequente diarrhœa mortem acceleravit. *Annales Wratislavienses (a)* mentionem faciunt cujusdam fabri ferrarii ex retropulsa, vel potius sua sponte, ob imbecillitatem naturæ & ætatem provectiorem, regressa podagra. Ex usu fructuum horæorum vir senex ita debilitatus fuit, referente Ill. FRID. HOFFMANNO (b), ut podagra ad partes externas non sufficienter potuerit propulsari, unde remanens in corpore varia symptomata excitavit, usque dum subsecutæ fuerint convulsiones, quibus etiam obiit.

§. XVII.

Topica licet magni quibusdam æstimata, & aliquantisper dolorem lenire visa sint, tamen eorum eventus fere semper infidus est, sæpeque gravia ac periculosa inducunt symptomata, immo ipsam mortem. D. ROSINVS LENTILIUS (c) refert de Podagrigo, qui rapas recentes in taleolas conscidit, in
aquam

(a) Tentam. XVII. p. 626. (b) Dissert. de Podagra retroced. §. VII.

(c) In Miscell. Med. P. II. p. 310.

aquam frigidissimam immerfit, hasque dein partibus dolentibus circumligavit, & ipsos artus tamdiu in frigidam aquam recondidit, donec dolorem abactum sentiret, quod utplurimum brevi temporis spatio contingere assolet; sed tali eventu horrendo, ut per semestre dolores longe atrociores expertus fuerit, & quidem cum tanta nervorum resolutione, ut pedibus inniti vix valuerit. D. VITVS RIEDLINVS (*d*) etiam meminit alicujus Podagræci, qui ex unguento (quale fuerit, non exprimitur) applicato, tum dolorem ventriculi gravativum, tum febres excitavit cum subsequente delirio, memoriæ abolitione, gangræna & tandem morte. Idem Autor (*e*) refert de mercatore quodam, qui ex suasu scurræ cujusdam tincas vivas partibus dolentibus alligavit cum subsequuta morte. Aurifaber quidam sal in aqua solutum cum levamine pedibus dolentibus imposuit; ast dolores circa lumbos tam immensi, cum dyspnœa & pulsu intermittente subsequiebantur, ut ipse vix respirare amplius potuerit: quæ tamen symptomata, DEI gratia, liquor volatilis oleosus Sylvii brevi sustulit; vid. cit. Autor. (*f*) *Ephemerides A. N. C.* (*g*) communicant historiam de Nobili Podagræco decenni, qui ab agyrta per tres septimanas medicamentis, doloribus autem in eadem sævitia persistentibus, tractatus fuit. Interea de utroque femore tumor durus exurgit, pro quibus tollendis adhibuit unguentum Mercuriale; a cujus applicatione per triduum utrumque femur, item scrotum & adjacentes partes inclusis flavis lividisque pustulis intense inflammabantur, qui autem, auxiliante DEO, a Medico, medicamentis rite præscriptis, feliciter iterum restitutus fuit. Possent adhuc plu-

D

ra

(*d*) Linear. Med. Anno 1700. p. 1398.

(*e*) Linear. Med. Anno 1695. p. 419.

(*f*) l. c. Anno 1695. p. 418.

(*g*) Decut, II, Ann. 11. Observ. 157.

ra adduci exempla, sed ne tædio alibi jam positorum repetitio sit, addo solum, quod Parens meus Virum Podagricum ante aliquot annos frequentaverit, qui aliquoties, ingruente paroxysmo podagrico, dolorem rasura raphani majoris & minoris intra bihorium compescuit. Hoc remedio ita per aliquot vices applicato, incidit in Paralyfin dextri lateris, & paulo post in hæmoptysin cum subsecuta morte. En retrocessionem podagræ, quæ nobiliores partes corporis aggressa est.

§. XVIII.

Ex hætenus adductis facile liquet prognosis Podagræ retrocedentis, cum potissimum partes membranoso-nerveas & sensibilibioris texturæ invadat, ita ut sæpissime febris acuta, gangræna & sphacelus, immo mors ipsa insequi possit, ni caute & prudenter præveniatur: ceu allatæ historiæ fati superque confirmant. HIPPOCRATES in Libro *de Morbis* dicit: *Podagram minime esse lethalem*, quodsi autem vitiosum serum spiculis acribus-turgidum ad interiores partes recedit, peticulum certe non leve imminere vitæ intelligitur. Ill. FRID. HOFFMANNVS (b) quæstionem scitu dignam movet, an Thermæ Carolinæ, si podagra vel arthritidis retrocesserit, acres tartareæque particulæ caput & nervosas partes occupaverint, spasmos, anxietates, inquietudines, flatulentias, dolores & lancinationes suscitaverint, neque ullo modo artus ad externos revocare possibile sit, in usum trahendæ sint? Hic ex sua experientia scribit, Thermas Carolinas hoc in statu modice & moderate epotas saluberrimum prodidisse effectum, ita ut non solum symptomata nominata penitus evanuerint, sed & podagra pedes iterum occupaverit. Hæc in

(b) Gründliche Anweisung der Gesund-Brunnen / insonderheit des Carls-Bades P. III. cap. XI. §. 17.

in Perillustri Domino, pergit, ante 16 annos in dictis Thermis Carolinis, ut præsens testis, expertus fui: minime ergo dubito, quin aliæ Thermæ e. g. dictæ aquæ Emsenses, eundem effectum in actum deducturæ sint. Frigide autem potare acidulas, præsentibus his symptomatis non consentit.

§. XIX.

A sanguinis missione, in corpore minus plethorico in-tempestive administrata, podagram repressam novit Ill. FRID. HOFFMANNVS (i). Est res certe magnæ prudentiæ medicæ, Venæ sectione recte uti posse in morbis, quos salutaris quidem & critica ad cutim excretio stipat, quia ab ambitu corporis humores revocat. Hinc non sine dolore observamus, refcrunt *Acta Med. Berolin.* (l) inter plebejos luctuosos & innumeros evenire casus, quos Venæ sectio, saltem præpostere & sine adhibito periti & circumspecti Medici consilio celebrata, producere solet: ceu uxor cujusdam fabri ferrarii id experta est, quæ, vigente paroxysmo arthritico, eam instituit, qua malum abhinc obfirmatius factum est (m). In vulgari quidem praxi facile itur in ipsis paroxysmis ad Venæ sectiones, partim ex inscitia, partim ex præjudicio (n). Videatur etiam Tractatus elegantissimus Ill. D. G. E. STAHLII *de usu & abusu Venæ sectionis*.

§. XX.

Purgantia hætenus omnes cordati Medici reformidarunt, quia nunquam operationes suas in intestinorum tunicas nerveas sine spasmo fortiori exercent: hic autem ex alvi per

D 2

ali-

(i) Med. Ration. System. Tom. III. p. 192.

(l) Vol. IV. p. 11. 12.

(m) Vol. V. p. 23.

(n) Vol. IX. p. 50.

aliquot sæpe dies difficultate sese manifestat. Jam podagræ retrocedentis materia, uti ex antecedentibus patet, est indolis subtilioris salino-sulphuræ corrosivæ: hæc si canalem nervoso-membranaceum, qui ventriculi & intestinorum nomine venit, occupavit, purgans quoque in se & sua natura spectatum, ejus tonum lædit ac pervertit, febres etiam omnis generis podagræ tam per se quam retrogradæ sese associant. Quæso igitur quis ea in usum vocabit, nisi empiricus? ceu exemplum supra ex *Annalibus Wratislaviensibus* adductum legi potest: cum cordatis Medicis lenientia vel laxantia, si opus est, sufficiant, quanquam nec hæc semper tuta inveniuntur. Notavit enim D. VITVS RIEDLINVS (o) de scriba quodam arthritico, qui ut alvum obstructam referaret, quasdam pillulas Francofurtenses sumsit: utut vero iisdem scopum suum attigerit, dolores tamen non solum auctos, sed & alias partes occupantes, statim postea sensit. Quemadmodum ergo Venæ sectio, si materia podagrica in motu est, noxam affert, sic quoque laxantia caute erunt propinanda, ad minimum clysteres lenissimi & lenientes hoc in passu sacra erunt anchora.

§. XXI.

In hoc rerum statu absint omnes commotiones animi, quæ ad excitandas inflammationes in visceribus satis capaces sunt, cum sanguis ita ab exterioribus ad interiora vi propellatur & inflammatio progignatur. Emetica vitanda, quia materia peccans caustica membranas nerveas ventriculi & intestinorum jam impetivit, partes ergo tales de novo infestare, effet oleum igni addere. Infausta damna a variis externis constringentibus & topicis luculenter commonstrata sunt.

Pur-

Purgantia ne hilum profunt, cum lenientia vel laxantia vix tuta sint. Venæ sectiones quæ ab ambitu corporis humores revocant, quomodo transpirationem in corporibus jamjam debilibus promovere, ac cutis tubulos apertos servare poterunt? Quid dicam de opiatis, res certe non vacat periculo, his uti velle, ubi magna humorum corruptio & ingens membranarum imbecillitas adest. Quid consilii ergo, si heroica nihil valent, cum podagra retrocedens tam sensibiles occupat partes tamque funestos excitat morbos? Hoc in casu nihil tutius, securius & aptius videtur, quam corpus in continua, blanda ac æquabili conservare diaphoresi. Novi podagricum, qui aliquando hora nocturna inopinato a doloribus lancinantibus & pungentibus in pulmonum substantia cum tanta vehementia laceffitus fuit, ut sibi de hæmoptysi ingruente metueret. In his angustiis statim lecto se commisit; prolecto sudore facta est metastasis in pollicem pedis sinistri, cum totali remissione & evanescencia dolorum pulmonalium. Certe in his & talibus non alia incedere possumus via; quæ licet sit simplicissima, tamen tutissima ac eo magis amplectenda, quo magis rationi est consentanea & semper a Medicis desideratur, ut cito, tuto & jucunde curationes suas absolvant. Porro non ignotum, quod materia hujus morbi sit serum lymphaticum impurum acre, ex mora autem stagnationis venenatam causticam induerit qualitatem (non totum inquinatum dico, sed illud saltem, quod in hac vel illa parte stagnationem adeptum sit): hoc imprimis actione sua partes subtiliori motu ac sensu præditas, quales membranoso-nerveæ ac musculosæ sunt, afficit moleste, vel distendit & comprimit, vel lancinat aut irritat, & ita spasticas dolorosas tractorias motiones & reactiones

excitat, quæ pro diversitate partium, quibus insident, tunc varia sortiuntur nomina (*p*).

§. XXII.

Hæ spasticæ stricturæ ut demulceantur & sopiantur, licet *sudorifera* accommodatis aliis medicamentis juncta magnæ sint efficaciam, dum serum viscidum stagnans acre membranis nerveis inhærescens discutunt, eliminant, & hinc meliorem impurorum succorum sequestrationem efficiunt, tamen his salubri effectû longe superiora sunt diaphoretica, (quæ diapnoica vocare alii solent) cum placide tantum augeant & moveant perspirationem, hinc potissimum in omnibus morbis, febribus acutis, inflammationibus, cujuscunque generis sint, sola hæc, pauca & continuata dosi, cum convenientibus vehiculis (i. e. sufficienti & calido liquido) data, omne sanationis punctum absolvunt & revera optima sunt discutientia & sanguinis massam depurantia: vid. cit. Ill. FRID. HOFFMANNVS (*q*) & quidem eo magis, quo seri falsi, tartarei copia, quæ dolorum tam arthriticorum quam rheumaticorum ut plurimum genitrix est, utiliter simul cum iisdem per lenia, non vero calidiora, diuretica expurgatur atque subducitur. Quia autem actio diaphoreticorum varia est & multiplex, suadeo brevitatis studio, ut evolvatur Ill. FRID. HOFFMANNVS (*r*). Illa vero cum stomachicis vel carminativis, discutientibus, roborantibus, bezoardicis, balsamicis, antispasmodicis & similibus, semper tamen temperatis, sub quocunque schemate & pro cujusque intentione, præscribi possunt.

§. XXIII.

(*p*) l. c. Tom. II. p. 61.

(*q*) l. c. Tom. III. p. 501.

(*r*) l. c. Tom. III. p. 499. &c.

§. XXIII.

Si porro podagra retrocedens , uti indigitatum est , a peripheria ad centrum vergens , vehementes spasticas stricuras excitat , variarum in œconomia animali turbarum motrix est , secretiones & excretiones retardat , consequenter plura vehementia symptomata producit , ut inter aliam colicam ; tunc in ea versor opinione , ob maxime sensibilem spasmus , huic ceu malo urgenti , clysteribus oleosis & unguentis lenientibus , simul interne demulcentibus & antispasmodicis , obviam eundum esse. Sedatis autem his motibus , tunc causa materialis podagræ appropriatis remediis amolienda & expellenda erit.

§. XXIV.

Podagricus si fuerit hypochondriacus & fluxui hæmorrhoidali assuetus , applicatio hirundinum commendatur. Distinguendum autem erit cum sæpius citato Ill. FRIDER. HOFFMANNO (s) inter fluxum hæmorrhoidalem naturalem & semper salubrem , qui ex sanguinis redundantia & ad eam tollendam fit ; & inter eum , qui ex constitutione viscerum abdominis præternaturali originem suam trahit. In priori casu , si mox inter initia occurritur , earum applicatio sine dubio erit optima.

§. XXV.

Localia seu topica Medicis suspecta sunt , nec frustra , multa enim de iis infausta prostant exempla etiam in antecedentibus adducta. Describuntur insuper varii spiritus anti-podagrici & mixturæ spirituosæ , quibus autem si bis terve
partes

partes dolentes illinuntur, ut plurimum manifestum fit, quod magis noceant quam profint: quod D. VITVS RIEDLINVS (t) de spiritu vini camphorato & balsamo albo Augustano jam annotatum reliquit. Si ergo in his, quæ penetrantis energiæ sunt, non tuta fides, quid de ceteris illis famosis emplastris, unguentis, oleis, cataplasmatibus & hujus commotis pluribus, expectandum erit? nil certe nisi majora damna, quæ sibi ægrotantes ut plurimum sponte accersunt, non tendentes viam naturæ, qua a centro ad circumferentiam materiam morbosam expellere, & purum ab impuro secerare conatur. Hæc si ab intempestive adhibitis topicis perturbatur: prima quidem fronte inducias dare videntur, afflictæ etiam de felicissimo sibi gratulantur effectu; ast non diu durante, quia paulo post periculosa, ob retrocessionem ad partes maxime sensibiles & principes, sequuntur symptomata. Interim topica non plane exterminanda esse putamus, quia artus alias a dolore, tumore, rubore obsessi, propter ambientem aërem frigidum majus tædium perpeti necesse haberent, cum omne frigidum juxta HIPPOCRATEM (u) nervis & membranis sit inimicum. Juvabit igitur linteis vel cervicalibus suffimento adaptatis & calefactis, partem patientem involvere. Tandem, si hæc prolata non amissim exacta videbuntur, spero, me hac vice veniam impetraturum, donec futuro tempore & confirmatione tiori ætate limatiora dare valeam.

(t) Curar. Med. Observ. 464 & 781.

(u) Sect. V. Aphor. 38.

